

ROBERTS, JOHN ('J.R.'; 1804 - 1884), gweinidog gyda'r Annibynwyr ac awdur

Enw: John Roberts

Ffugenw: J.r.

Dyddiad geni: 1804

Dyddiad marw: 1884

Rhiant: Mary Roberts (née Breese)

Rhiant: John Roberts

Rhyw: Gwryw

Galwedigaeth: gweinidog gyda'r Annibynwyr ac awdur

Maes gweithgaredd: Crefydd; Llenyddiaeth ac Ysgrifennu

Awdur: Richard Griffith Owen

Ganwyd yn nh 'r Hen Gapel, Llanbryn-mair, 5 Tachwedd 1804, ail fab [John Roberts](#) (1767 - 1834). Addysgwyd ef yn ysgol ei dad yn yr Hen Gapel. Symudasai'r teulu i fyw i fferm y Diosg gerllaw yn 1806, a bu yntau yn gweithio ar y tir am gyfnod. Yr oedd ymron yn 25 oed cyn dechrau pregethu. Ym Mawrth 1831 derbyniwyd ef i'r athrofa yn y Drenwydd, a oedd bryd hynny dan ofal [Edward Davies](#), Calfin a Thori. Nid ymddengys iddo fod yn hapus o gwbl yno a chyn pen tair blynedd cydsyniodd â gwahoddiad ei fam-eglwys i ddyfod i gynorthwyo ei dad a'i frawd '[S.R.](#)' Wedi marw'i dad urddwyd ef, 8 Hydref 1835, yn gyd-weinidog â'i frawd. Bu am flwyddyn (1838-9) yn weinidog Llansantisiôr a Moelfre ger Abergele ond dychwelodd i Lanbryn-mair, a bu yno hyd 1848, pryd y symudodd i Ruthyn. Oddi yno aeth i Lundain i ofalu am eglwys Gymraeg Aldersgate Street ac arhosodd yno hyd 1860, pryd y daeth i Gonwy, lle y bu farw, 7 Medi 1884; claddwyd ef ym mynwent gyhoeddus Conwy.

Er iddo yn nechrau ei yrfa ddyfod i amlygrwydd fel pregethwr, eto fel dadleuwr a golygydd yr enillodd iddo'i hun enw gan mwyaf. Wedi i'w frawd '[S.R.](#)' ymadael â Chymru yn 1857 ef a olygai *Y Cronicl*, a pharhaodd wrth y gwaith hyd ei farwolaeth. Llwyddodd i gadw poblogrwydd y cylchgrawn, er nad oedd i'w ddiddordebau yr un ehangder ag eiddo'i frawd. Tueddai i'w wneuthur yn faes ymryson ac ymgecro, a hynny ar bynciau eglwysig ac enwadol. Meddai arddull reithegol a rhugl, medrai lunio cân; barnodd [W.J. Gruffydd](#) ei delyneg, 'Eisteddai teithiwr blin,' yn un o oreuon yr iaith. Gwnaed tysteb iddo yng Nghonwy, a throsglwyddodd yntau yr arian at godi capel newydd yno, a 'Chapel y Dysteb' y gelwir ef o hyd. Cyhoeddodd *Traethodau, Pregethau ac Ymddiddanion*, 1854; *Y Gyfrol Olaf o Bregethau*, 1876; *Hanesion y Beibl ar Ffurf Ymddiddanion*, 1880; *Dadleuon a Darnau i'w Hadrodd*.

Awdur

Y Parchedig Richard Griffith Owen, (1890 - 1973)

Ffynonellau

E. Pan Jones, David Onllwyn Brace, *Cofiant y Tri Brawd o Llanbryn-mair a Conwy* (Bala 1892)

R. Williams, *Montgomeryshire Worthies* (1894), 284-5

Hanes Eglwysi Annibynnol Cymru, v, 308-10

Oxford Dictionary of National Biography

Glanmor Williams, *Samuel Roberts, Llanbryn-mair* (Caerdydd 1950)

Delweddau

Ap Caledfryn, [John Roberts \(J.R.\)](#)

LIGC: [John Roberts, "J.R."](#)

John Cochran, [Revd. John Roberts \(Welsh\) London](#)

Humphreys Photographic Studio, [John Roberts, "J.R."](#)

Humphreys Photographic Studio, [John Roberts, "J.R."](#)

Isaac Foulkes, [Rev. John Roberts, "J.R." \(Llanbryn-mair\)](#)

LIGC: [Er cof annwyl am Y Parch. John Roberts \(J.R.\) bu farw Medi 6, 1884, yn 79 oed](#)

Alfred Ford Smith, [Samuel Roberts, Richard Roberts and John Roberts, of Llanbryn-mair](#)

Alfred Ford Smith, [Samuel Roberts, Richard Roberts and John Roberts, of Llanbryn-mair](#)

Dolenni Ychwanegol

Archifau LIGC: [Llawysgrifau S.R. a J.R.](#)

VIAF: [96803052](#)

Wikidata: [Q18783790](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

